



ATASSUT

13.10.2015

Steen Lyngø

UKA 2015/62

**Inatsisartut aalajangiiffigisassaattut siunnersuutigineqarpoq Naalakkersuisut peqquneqassasut tunngaviusumik inatsisissamik piareersaasussanik ataatsimiititaliussasut.**

**(Inatsisartunut ilaasortaq Per Rosing-Petersen, Partii Naleraq)**

Aallarniutaasumik Ataatsimiititaliarsualiornissamik imal. kalaallit tunngaviusumik inatsisissaannik misissuisitsinissaq pillugit nassuiaasiassaq.

Atassut-ip suleqataaffigiumavaa Kalaallit Nunaata taamaalluni namminersortutut nunanngornissaata anguneqarnissaa. Atassut-immi namminersorluni oqartussaaneq taperseramiuk siunnerfimmut taamatut ittumut akuersivoq.

Inuiaat tupigisassaangitsumik kissaatigiuartarpaat imminut tunngasut iluini nammineq oqartussaannissaq. Tamannalu imatut isumaqarpoq tamakkiisumik immineq oqartussaalernissaq tiguneqarsinnaassappat namminersulivissimanissamik.

Inuiaat namminersulivissappata pinngitsoorneqarsinnaangilaq nammineq tunngaviusumik inatsiseqarnissaq., taamaattumillu pingaartuuvoq, inuiattut nammineq inatsisiliornikkut naleqartitatsinnik allassimasuutitaqarnissarput.

Tunngaviusumik inatsisip ersersissavai ataatsimoorluta naleqartitagut inuiaqatigiittut assigiinnigissutsitsinnik siammasissuseqarlutik tunngaviligaasut. Tunngaviusumimmi inatsit inuiaqatigiittut aqqissuussaannissatsinnut toqqammaviusaaq.

Apeqqutaangilaq nunarput ullut arlaanni namminersulivissanersoq aningaasaqarnikkut politikkikkullu. Apeqqulli tassaassaaq sooq Kalaallit Nunaat namminersortunngussava.



## ATASSUT INATSIARTUNI

---

Kalaallit Nunaat namminersulivissangilaq Kalaallit Nunaanni innuttasut Qallunaat Nunaanni innuttaasunit pingaartutut isigineqartunit allaanerusunik peqarnini peqqutigalugu. Kalaallit nunaat namminersulivissangilaq peqqutigalugu Kalaallit Nunaanni innuttaasut akuerisinnaangimmatigit oqaluttuarisaanermi pisarsimasut.

Naleqartitammi piffissap ingerlanerani allanngoriartortarput. Oqaluttuarisaanermilu pisarsimasut qaangiutereerput, taamanikkummi nunarsuarmi inuiaqatigiinni naleqartutut isigineqartut allannornikummata. Ullutsinni Kalaallit Nunaata, Qallunaat Nunaatalu akornanni naleqartinneqartut allat atuutilernikuupput. Taamaattumik oqaluttuarisaanermi qaangiutereersut Kalaallit Nunatta namminersulivinnissamini tunngavigissangilai.

Kalaallit Nunaat namminersulivissaaq innuttaasut namminneq kissaateqarnerat tunngavigalugu, innuttaasullu namminneq akisussaaffimmik tamatuminnga kivitsisinnaanerat tunngavigalugu. Kalaallit Nunaat namminersulivissaaq nunarput piareerpat.

Siunissami namminersulivinnissarput Qallunaat Nunaat Nunanilu Avannarlerni nunat qanimut suleqatigalugit pissaaq.

Oqaluttuarisaanermilu pisut ataatsimoorussagut qaangiutereeraluarpataluunniit, taava avaqqussinnaangilarput, Qallunaat Nunaallu aammalu Nunat Avannarliit eqqarsaatigalugit pingaartitanik amerlasuunik ataatsimoorussa qaratta.

Inuit piginnaatitaaffiitut isiginnittaatsigut assigiipput aammalu kikkut tamat oqartussaanerannik nunat avannarliillu assigiimmik isiginnittaaseqarpugut. Tamakkuuppullu naleqartitat inuiaqatigiinni nunani ammasuusumik ingerlasuni tunngaviit pingaarutillit, soorlu aamma Kalaallit Nunaat siunissami taamaattussaassasoq.

Kalaallit Nunaata namminersortup Qallunaat Nunaat, nunallumi allat avannarliit suleqatigissavai Kalaallit Nunaata ineriartoqqinnissaa kiffaangissuseqarnissaa eqqarsaatigalugit. Taamaattumik pingaartuuvoq, nunatta Qallunaat Nunaannik tunngaviummik inatsisiliorniarnermi siusissukkut aallartittumik suleqateqalernissaa.



Atassut-mit siunnersuuteqartup tunngaviusumik inatsisiliornissap ingerlaqqinnissaanik siunnerfigisai tapersorsorpagut, namminersortunngorniarnermimi suliasat sivilisuumik piareersagassaassammata.

Atassut-miilli isumaqatiginngilarput, maannangaq ataatsimiititaliarsuarmik pilersitsisoqarnissaa. Tamannami akisuallaassaaq tunngaviusumik inatsisiliornissamik ingerlatsinissami taamak siusitsigisukkut pilersinneqassagalarpat, tamannalu akissaqartinngilarput.

Atassut-mit peqataaffigisinnaavarput Naalakkersuisut nassuiaasiamik suliaqaqqunissaat, tassani siunnersuuteqarlutik namminiilernissamut suliniarnerup qanoq ilusilerneqarsinnaaneramik.

Aamma pingaartuuvoq nalunaarusiassami ilanngussaqaarnissaq, qanoq iliorluni Qallunaat Nunaat kalallit tunngaviusumik inatsisiliorniarnernanni ilanngunneqarsinnaasoq.

Qallunaat Nunaammi neqerooruteqarnikuuvoq Kalaallit Nunaata tunngaviusumik inatsisiliorusunnerani suleqatalluni ikiuunnissamut.

Atassut-ip tassa ataatsimiititarsualiornissaq taperserumannigilaa taperserumalluguli siusinnerusukkut nammineq tunngaviusumik inatsisileqalernissamik nalunaarusiorluni suliarineqarsimasut nutaamik aallarteqqinneqarnissaat.